

Protocol dalla radunonza communal dils 24 da zercladur 2015 allas 20.15 uras en casa da scola a Breil-vitg

Perstgisas: Roman B. Cathomas, cusseglier
Selda e Pauli Cavegn

Presenza: 135 personas

Hosp: Madeleine Grob, planisadra (tractanda 3)

Tractandas:

1. Beinvegni ed approvaziun dil protocol dalla radunonza dils 12 da matg 2015
2. Decisiun vendita stabiliments da vischnaunca
3. Approvaziun dil niev plan da zonas
 - 3.1 Survesta dils mieds da planisaziun ed orientaziun sur dallas midadas enviers l'exposiziun publica
 - 3.2 Conclus
 - a) plan da zonas e plan general da formaziun vitg 1:2000
 - b) plan da zonas e plan general da formaziun fracziuns 1:2000
 - c) plan da zonas e plan general da formaziun lag da Breil 1:2000
 - d) plan general d'avertura, traffic e presentaziun vitg 1:2000
 - e) plan general d'avertura, traffic e presentaziun fracziuns 1:2000
 - f) plan general d'avertura, traffic e presentaziun lag da Breil 1:2000
 - g) plan da zonas – utilisaziun fundamentala e zonas da prighel 1:10000
 - h) lescha da baghegiar
4. Varia

Beinvegni ed avertura

Il president communal, Richard Caduff, fa a tuts presents in cordial beinvegni tier sia davosa radunonza communal. In special beinvegn fa el a dunna Madeleine Grob, che vegn a presentar tier il tractandum 3 las midadas enviers ils plans ch'eran publicai publicamein. Vinavon menziunescha el che la suprastonza ha saviu vegnir cumplettada e gratulescha alla Selda per sia elecziun.

Sco dumbravuschs vegnan Maurus Cathomas Breil, Vic Desax, Dardin, Daria Caduff, Danis e Curdin Cadonau, canzlist, nominai ed elegi unanim.

La gliesta da tractandas, ch'ei stada publicada els davos fepls ufficials, sco era sin la pagina d'internet, vegn suttamessa alla discussiun. Da tala vegn buca fatg diever e per consequenza vegn la gliesta declarada ligionta per la radunonza communal da questa sera. Ei vegn decidu tier mintga tractanda d'entrar ni buc.

1. Approvaziun dil protocol dalla radunonza communal dils 12 da matg 2015

Il protocol ei staus exponius sin canzlia communal sco era sin la pagina d'internet dalla vischnaunca. Dalla discussiun vegn fatg negin diever. Il protocol vegn per consequenza approbaus entras tscherna unanima.

2. Decisiun vendita stabiliments da vischnaunca

Il president communal informescha ils vischins sur dalla vendita d'entgins stabiliments da vischnaunca.

Richard Caduff tschenta la damonda d'entrar en la tractanda. Cun 133 gie. 1 na ed 1 resalva vegn decidiu d'entrar en la tractanda.

Per ils stabiliments da vischnaunca ei vegniu inoltrau differentas offertas:

Per il magasin a Crestas-sut ei vegniu inoltrau ina offerta da frs. 76'000.00. La suprastonza sco era il cussegl fan la proposta da vender quei stabiliment. Cun tscherna unanima vegn decidiu da vender quei stabiliment a Roman Benedetg Cathomas per frs. 76'000.00

Per il local da pumpiers si Marmarolla ei vegniu inoltrau quater offertas. Ina offerta da frs. 200'000.00, 2 offertas da mintgamai frs. 100'000.00 ed ina offerta da frs. 80'000.00. La suprastonza sco era il cussegl fan la proposta da vender quei stabiliment. Cun tscherna unanima vegn decidiu da vender quei stabiliment a Paulin Cathomas per frs. 200'000.00

Per la pasternaria veglia a Mutteins ei vegniu inoltrau treis offertas: Ina offerta da frs. 42'500.00, ina offerta da frs. 31'000.00 ed ina offerta da frs. 7'000.00. La suprastonza sco era il cussegl fan la proposta da vender quei stabiliment. Cun tscherna unanima vegn decidiu da vender quei stabiliment a Pino Sestito per frs. 42'500.00.

Per la hetta dil vier ei vegniu inoltrau duas offertas: Ina offerta da frs. 9'500.00 ed ina offerta da frs. 5'100.00. La suprastonza sco era il cussegl fan la proposta da vender quei stabiliment. Cun tscherna unanima vegn decidiu da vender quei stabiliment a Hubert Carigiet per frs. 9'500.00.

3. Approbaziun dil niev plan da zonas

3.1. Survesta dils mieds da planisaziun ed orientaziun sur dallas midadas enviers l'exposiziun publica.

Madeleine Grob e Richard Caduff informeschan la populaziun sur dallas midadas en ils plans e la lescha da baghegiar sin fundament dils giavischs e recuors dils pertuccai. Els menziuneschan aunc ina gada la necessitad da far quella midada ussa e buca per en ils proxims onns. En tut ha la suprastonza tractau 52 damondas ni giavischs dils proprietaris. Las correcturas ein vegnidas fatgas ed ils proprietaris ein vegni informai. Ina decisiun che la suprastonza ha priu, ei da pagar anavos la contribuziun da perimeter per zonas che vegnan pri ord zona (revisiuns planisaziun locala 1994 e 2015). Suent l'exposiziun publica ha la suprastonza aunc fatg entginas midadas e preparau quellas per l'approbaziun. Sur dallas midadas enviers ils documents publicai ei era vegni informau en detagl avon l'approbaziun.

Suent quellas informaziuns vegn la discussiun dada libra. Da tala discussiun vegn fatg diever stediamein. Allas damondas tschentadas sa ei vegnir dau risposta.

Martin Beer pren il plaid ed informescha la populaziun sur da sia vesta enviers il niev plan da zonas. El resumescha il curriu e passau naven dalla davosa radunonza communal e tgei intensiun ch'ils exponents encunter la revisiun persequiteschan. Alla fin da siu rapport fa el la proposta da refierer la votaziun sin in auter termin.

Suenter quella discussiun tschenta il president communal la damonda d'entrar. Quella damonda vegn sin proposta dalla suprastanza sco era sin giavisch menada atras a scret.

Cun 91 gie encunter 44 na vegn decidiu d'entrar en la tractanda e da votar giu sur dil niev plan da zonas.

3.2. Conclus

Propostas:

Ina porposta ord la populaziun per ina midada da zona a Danis, ei vegnida approbada dalla populaziun. (mira rapport "Planungs- und Mitwirkungsbericht")

- a) plan da zonas e plan general da formaziun vitg 1:2000
cun las midadas dalla suprastanza
- b) plan da zonas e plan general da formaziun fracziuns 1:2000
cun las midadas dalla suprastanza
- c) plan da zonas e plan general da formaziun lag da Breil 1:2000
- d) plan general d'avertura, traffic e presentaziun vitg 1:2000
- e) plan general d'avertura, traffic e presentaziun fracziuns 1:2000
cun las midadas dalla suprastanza
- f) plan general d'avertura, traffic e presentaziun lag da Breil 1:2000
- g) plan da zonas – utilisaziun fundamentala e zonas da prighel 1:10000
- h) lescha da baghegiar

Richard Caduff tschenta la damonda da votar giu ina gada per tut ils acts da planisaziun locala a) – h), ni per mintg' act separau. Cun tscherna unanima vegn votau giu, da far mo ina votaziun per tut ils plans cun la lescha da baghegiar. Quella votaziun vegn medemamein fatga a scret.

Cun 96 gie, 35 na e 2 vits decida la populaziun da Breil d'approbar il niev plan da zonas (revisiun parziala dalla planisaziun locala) cun tut ils plans sco era la lescha da baghegiar per mauns dil cantun.


4. Varia

Nies forester communal, Wendelin Hürlimann, ei vegnius undraus ils 29 da matg 2015 per siu engaschament en favur dil ruver, e quei duront ils davos 35 onns, dall'uniun Pro Quercus. La suprastanza engrazia a Wendelin per siu engaschi e surdat ad el in schenghetg sco renconuschientscha.

Richard Caduff engrazia per la presenza, la participaziun e la confidonza. Quei ei stau la davosa radunonza communal ch'el ha astgau tgamunar. El fa attents sin las producziuns da "Oh Tavanasa" che ha sias producziuns el meins fenadur. El siara la radunonza allas 22.40 uras,

Breil, ils 26 da zercladur 2015

Il president



Igl actuar

